



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-04-35565-5/21
Sarajevo, 21.12.2021. godine

SKUPŠTINA KANTONA SARAJEVO -OVDJE-

Predmet: Obavijest i Odgovor na zastupničku inicijativu zastupnice Jasmine Biščević-Tokić, dostavlja se;

Zastupnica Jasmina Biščević-Tokić je na 42. Radnoj sjednici Skupštine Kantona Sarajevo održanoj dana 28.09.2021. godine u okviru tačke Dnevnog reda „Poslanička/zastupnička pitanja, inicijative i odgovori”, a u skladu sa Poslovníkom Skupštine Kantona Sarajevo, uputila slijedeću zastupničku inicijativu:

„Upućujem inicijativu Skupštini Kantona Sarajevo, Vladi Kantona Sarajevo i ministarstvu za boračka pitanja Kantona Sarajevo za izgradnju spomen obilježja poginulim borcima na brdu Žuč, te pozivam Vas da podržimo ovu inicijativu i da tražimo od Vlade Kantona Sarajevo i nadležnog ministarstva da se obezbijede sredstva za izgradnju spomenika ”.

Na zastupničku inicijativu dajemo slijedeći:

ODGOVOR I OBAVIJEST

U skladu sa inicijativom Zastupnice Jasmine Biščević-Tokić obavještavamo Vas da je Ministarstvo za boračka pitanja Kantona Sarajevo dana 18.10.2021. godine uputilo akt broj: 06-04-35565-2/21 na adresu Fonda Memorijala Kantona Sarajevo i na adresu općine Novi Grad Sarajevo, u kome je postavljen upit o poduzetim i planiranim aktivnostima u vezi projekta izgradnje Memorijalnog centra „Žuč”, gdje bi u okviru svojih nadležnosti dostavili ovom ministarstvu upitom tražene informacije.

S obzirom da Fond Memorijala ima vodeću ulogu u smislu operativno tehničkih poslova impementacije projekta, a općina Novi Grad Sarajevo ima nadležnost u proceduri rješavanja imovinsko- pravnih odnosa, pribavljanja urbanističke saglasnosti i građevinske dozvole.

Fond Memorijala Kantona Sarajevo je dostavio traženu informaciju dana 25.10.2021. godine, gdje se navode aktivnosti u periodu od 2014. do 2017. godine, naime poduzet je niz aktivnosti na pribavljanju projektne dokumentacije u navedenom periodu, raspisan je javni anonimni natječaj za idejno arhitektonsko-urbanističko-pejzažno rješenje, odabrano je najbolje rješenje, na osnovu kojeg je urađen idejni a potom i izvedbeni projekat. Sva projektna dokumentacija je predata općini Novi Grad, koja je preuzela ulogu nosioca realizacije i izgradnje Memorijalnog centra „Žuč”.



web: <http://mbp.ks.gov.ba>
e-mail: minbopi@ks.gov.ba
Tel: + 387 (0) 33 562-012, Fax: + 387 (0) 33 562-251
Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Općina Novi Grad Sarajevo je dostavila traženu informaciju dana 22.11.2021. godine, koju Vam radi važnosti i iscrpnosti informacija hronološki poredanih i izloženih dostavljamo u prilogu ovog akta.

Na osnovu dostavljenih informacija ministarstvo za boračka pitanja Kantona Sarajevo je izradilo nacrt-prijedlog Sporazuma o nastavku realizacije potprojekta Izgradnje memorijalnog centra "Žuč", koji je dostavljen svim relevantnim subjektima na prijedlog, sugestije, mišljenja i na upoznavanje.

S obzirom da je postignuta saglasnost svih relevantnih subjekata, zakazan je datum potpisa navedenog sporazuma.

Tako da je u tom kontekstu, ministar za boračka pitanja Kantona Sarajevo dr.sc. Omer Osmanović potpisao dana 15.12.2021. godine Sporazum o nastavku realizacije potprojekta Izgradnje memorijalnog centra "Žuč".

Potpisivanju su također prisustvovali predstavnici općine Novo Sarajevo, Novi Grad, Vogošća, te Fonda Memorijala KS kao i direktorica Zavoda za izgradnju Kantona Sarajevo, koji su direktni učesnici realizacije ovog projekta.

Radi se o aktivnostima prve faze potprojekta izgradnje Memorijalnog centra "Žuč", kao sastavnog dijela Projekta "Opsada i odbrana Sarajeva 1992-1995", koje obuhvataju izdavanje građevinske dozvole, elaborat o planu izgradnje i načine obezbeđenja sredstava, izbora najboljeg ponuđača, tehnički prijem, te izradu Elaborata o preuzimanju, upravljanju i stavljanju u funkciju ovog Memorijalnog centra.

Ministar Osmanović pohvalio je dinamiku rada na ovom bitnom projektu, te istakao da vjeruje kako će i ostale predviđene aktivnosti na izgradnji Memorijalnog centra biti u skladu sa predviđenim obavezama svih ugovornih strana.

Tokom 2015. godine odabrano je najbolje idejno rješenje za Memorijalni centar "Žuč", a u novembru iste godine, na mjestu nekadašnjeg Doma kulture, na brdu Žuč počela je izgradnja Spomen-doma oslobođiocima Općine Novi Grad i Grada Sarajeva koji će se nalaziti na ulazu u budući memorijalni kompleks Žuč.

U junu 2018. godine upriličeno je svečano otvorenje Doma oslobodilaca, koji predstavlja ulaznu kapiju za budući memorijalni kompleks koji će se u narednom periodu graditi na platou Golog Brda.

Krajem 2019. godine osigurana su i doznačena sredstva općini Novi Grad Sarajevo u iznosu od 100. 000,00 KM, kao podrška aktuelnim radovima (rekonstrukcija rovova i tranšea na lokalitetu Golo brdo, čija ugovorena vrijednost je iznosila 119. 425, 73 KM).

U 2020. godini su takođe bila planirana sredstva u iznosu 100. 00, 00 KM za daljnju podršku, ali do kraja godine prema ministarstvu za boračka pitanja Kantona Sarajevo nije došao zahtjev



web: <http://mbp.ks.gov.ba>
e-mail: minbopi@ks.gov.ba
Tel: + 387 (0) 33 562-012, Fax: + 387 (0) 33 562-251
Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

općine Novi Grad Sarajevo za implementaciju i realizaciju sredstava, tako da su sredstva usmjerena u druge namjene.

U 2021. godini na poziciji ministarstva za boračka pitanja Kantona Sarajevo bila su raspoloživa sredstva u iznosu od 50.000,00 KM, te je zatraženo od općine Novi Grad Sarajevo da ukoliko ima potrebe dostavi zahtjev za realizaciju i implementaciju.

Obzirom da je općina Novi Grad Sarajevo, ugovorila radove u iznosu 465.660,00 KM (spomenik „Kрила слободе“) uz očekivani rast troškova radi izmjene radova i porasta cijena, potpisan je sporazum o doznačavanju 50.000,00 KM.

U Budžetu za 2022. godinu sredstva za podršku podprojektima projekta „Opsada i odbrana Sarajeva 92.-95. , planiraju se na zajedničkoj poziciji pri čemu je okvirno za kompleks „Žuč“ predviđena podrška od 100.000, 00 KM (budžetska sredstva).

U narednom periodu nastavit će se aktivnosti i na realizaciji projekta Memorijalni centar „Žuč“ na način kako je definisano projektnim zadatkom, a čija izgradnja će u konačnici predstavljati monumentalno zdanje svim braniocima koji su branili grad Sarajevo i Bosnu i Hercegovinu.

Prilog: Informacija od općine Novi Grad Sarajevo-2x.

S poštovanjem.



Dostaviti:

- ☉Predsjedavajućem Skupštine Kantona Sarajevo,
- Stručnoj službi Vlade Kantona Sarajevo,
- A/a.





BOSNA I HERCEGOVINA
Federacija Bosne i Hercegovine
Kanton Sarajevo
Grad Sarajevo
OPĆINA NOVI GRAD SARAJEVO
- OPĆINSKI NAČELNIK -

Služba za boračka pitanja, rad, socijalna pitanja i zdravstvo

Broj: 02/07-37-359/21

Sarajevo, 18.11.2021. godine

22-11-2021

37 42493

Kanton Sarajevo
Ministarstvo za boračka pitanja
n/r Omer Osmanović, Ministar

Predmet: Informacija o provedenim aktivnostima na izgradnji Memorijalnog kompleksa brda Žuč, -

Na sastanku koji je održan 25.10.2021. godine u prostorijama JU "Fond Memorijala Kantona Sarajevo" kojem su prisustvovali: Omer Osmanović - Ministar Ministarstva za boračka pitanja Kantona Sarajevo, Osman Smajlović - pomoćnik ministra u Ministarstvu za boračka pitanja Kantona Sarajevo, Ismet Krzović - Zavod za planiranje razvoja Kantona Sarajevo, Mirsad Okerić - Zavod za izgradnju Kantona Sarajevo, Amra Čusto - Kantonalni zavod za zaštitu kulturno-historijskog i prirodnog naslijeđa Sarajevo, Hasan Tanović - Načelnik Općine Novo Sarajevo, Mirela Mandal - Općina Novo Sarajevo, Tajib Delalić - pomoćnik Općinskog načelnika Službe za boračka pitanja, rad, socijalna pitanja i zdravstvo Općine Novi Grad Sarajevo, Zijad Kadrić - pomoćnik Općinskog načelnika za boračka pitanja Općine Vogošća, Ahmed Kulanić - Direktor JU "Fond Memorijala Kantona Sarajevo", Indira Bihorac - JU "Fond Memorijala Kantona Sarajevo" i Fedina Ljubunčić - JU "Fond Memorijala Kantona Sarajevo".

Tema sastanka: Izgradnja Memorijalnog centra "Žuč"

Nakon provedene diskusije usvojen je zaključak pod rednim brojem 1. da:

Tajib Delalić Ministarstvu za boračka pitanja Kantona Sarajevo pošalje sve informacije o aktivnostima i daljim koracima kao i potrebnim sredstvima za izgradnju Memorijalnog centra "Žuč".

Duži niz godina od 2006. godine su se provodile razne aktivnosti oko izgradnje Memorijalnog kompleksa brda Žuč, kao jednog od najvažnijih podprojekata u okviru projekta Opsada i odbrana Sarajeva 92-95 godina. Dakle Projekat Opsada i odbrana Sarajeva 92-95 godina je usvojen je od strane Skupštine Kantona Sarajevo 2006. godine. Ovom Odlukom definisan je obuhvat Memorijalnog kompleksa brda Žuč u okviru obuhvata Park šume Žuč.

Od usvajanja i donošenja Odluke pa do 2013. godine vodile su se određene aktivnosti koje nisu imale u konačnoj realizaciji gotovo nikakve rezultate. Kada govorimo o konačnim rezultatima mislimo prije svega da se na terenu vide pomaci, a to je da se odredi mjesto centralnog spomen obilježja i ostali prateći sadržaji neophodni kako bi brdo Žuč dobilo ono što i zaslužuje, a to je da bude

mjesto memorije, poštovanja i sjećanja na ono što se dogodilo u proteklom odbrambeno-oslobodilačkom ratu 92-95 godina.

U daljem dijelu ove informacije pokušaćemo hronološki poredati aktivnosti koje su vođenje oko Memorijalnog kompleksa brda Žuč.

14.10.2013. godine održan je radno-konsultativni sastanak u prostorijama Fonda Memorijala, a tema sastanka je: Dogovor u vezi nastavka aktivnosti na realizaciji podprojekta Memorijalnog centra Žuč. Predstavnici Općine Novi Grad Sarajevo su podržali stav da se Memorijalni centar Žuč gradi u fazama. Općina Novi Grad Sarajevo je spremna učestvovati u troškovima izrade idejnog rješenja Memorijalnog centra "Žuč". Na ovom sastanku je zaključeno da se organizuje širi sastanak u prostorijama Općine Novi Grad Sarajevo gdje bi se pozvale sve državne institucije potrebne za poduzimanje daljnjih koraka na realizaciji Podprojekta Memorijalni kompleks brda Žuč.

12.12.2013. godine na sjednicu Kolegija Općinskog vijeća Novi Grad Sarajevo razmatrano je pitanje koje se odnosi na izgradnju Memorijalnog kompleksa brda Žuč te je zaključeno da Služba za boračka pitanja, rad, socijalna pitanja i zdravstvo organizuje sastanak oko izgradnje Memorijalnog kompleksa brda Žuč da se na isti pozovu predstavnici kantonalnih ministarstava, predstavnici općina, Općinskog vijeća Novi Grad Sarajevo, Grada Sarajeva, Fonda Memorijala i kantonalnih zavoda.

10.03.2014. godine na poziv Općinskog načelnika mr. Semira Efendića u maloj sali Općinskog vijeća Novi Grad Sarajevo održan je okrugli sto na temu: Izgradnja Memorijalnog kompleksa na brdu Žuč na kojem su učešće uzele sve institucije relevantne za realizaciju izgradnje Memorijalnog kompleksa na brdu Žuč. Sa okruglog stola proistekli su sljedeći zaključci:

- da se Fond Memorijala zadužuje za tehničku podršku izgradnje Memorijalnog kompleksa Žuč;
- da Općina Novi Grad Sarajevo dostavi Fondu Memorijala ulazne parametre za izradu idejnog projekta Memorijalnog kompleksa na brdu Žuč;
- izradu idejnog projekta finansiraće Općina Novi Grad Sarajevo i Ministarstvo za boračka pitanja Kantona Sarajevo.

21.04.2014. godine organizovana je zajednička posjeta i obilazak prostora brda Žuč. Nakon obilaska terena dogovoreno je da će se Centralno obilježje Memorijalnog centra "Žuč" locirati na prostoru Golog brda. Na istom prostoru predvidjeti i druge sadržaje potrebne za organizaciju i obilježavanje značajnih događaja i drugih prigodnih programa.

Na lokalitetu bivšeg Doma planirati izgradnju objekta koji će, pored drugih sadržaja imati i spomen sobu, prostor za muzejske postavke, prostorije za edukaciju, restoran, prostorije za smještaj gostiju i drugo. Također je potrebno planirati i ulaze u Memorijalni kompleks brda Žuč.

07.07. 2014. godine Općina Novi Grad Sarajevo je na lokalitetu Golog brda izvršila otkup 35.000 m² zemljišta za potrebe izgradnje Centralnog spomen obilježja unutar Memorijalnog kompleksa brda Žuč. Potrebno je otkupiti još 42.000m² zemljišta da bi se smjestili i izgradili ostali sadržaji naznačeni u podprojektu Memorijalni kompleks brda Žuč koji će se definisati izradom Idejnog projekta za Memorijalni kompleks brda Žuč.

10.12.2014. godine u prostorijama Općine Novi Grad Sarajevo organizovan je sastanak na temu: Nastavak aktivnosti na realizaciji Podprojekta Memorijalni kompleks brda Žuč. Na sastanku učešće su uzele sve institucije koje bi trebale dati doprinos da se ovaj projekat uspješno realizuje. Iz održanog sastanka proistekli su i određeni zaključci i to:

- da se odmah pristupi formiranju stručne komisije za izradu projektnog zadatka koja će ujedno biti i žiri za izbor najboljeg idejno grješenja,
- da se napravi tripartitni sporazum za finansiranje izrade idejnog rješenja (Ministarstvo za boračka pitanja Kantona Sarajevo, Općina Novi Grad Sarajevo i Fond Memorijala)

15.12.2014. godine potpisan je Sporazum o sufinansiranju izrade Idejnog projekta spomen obilježja sa pratećim sadržajima u okviru realizacije prve faze izgradnje Memorijalnog centra Žuč. Sporazum je zaključen i potpisan između Ministarstva za boračka pitanja Kantona Sarajevo, Općine Novi Grad Sarajevo i Fonda Kantona Sarajevo za izgradnju i očuvanje grobalja šehida i poginulih boraca, memorijalnih spomen-obilježja žrtavagenocida (Fond memorijala).

08.01.2015. godine održan je prvi sastanak Komisije za pripremu izrade projektnog zadatka za izradu Idejnog rješenja Memorijalnog centra Žuč. Komisija je zauzela stav da se povjereni joj poslovi rade ubrzano kako bi se došlo do konačnog cilja. Ova Komisija ima zadatak da pripremi projektni zadatak, a potom da odabere najbolje ponuđeno idejno rješenje.

U daljem radu Komisija je održala sastanke 15.01., 19.01., 10.02., 04.03., 11.03.2015. godine na kojima je provodila planom rada zacrtan aktivnosti.

05.05.2015. godine članovi Komisije za pripremu projektnog zadatka, raspisivanje anonimnog javnog natječaja i odabir idejnog rješenja sa idejnim projektom posjetili su brdo Žuč. Komisija je obišla lokalitet Golog brda, te su sagledane i ostale kote značajne za sadržaj budućeg Memorijalnog kompleksa brda Žuč. članovi Komisije su upoznati sa definisanim obuhvatom budućeg Memorijalnog centra Žuč, sa definisanim sadržajima istog.

U nastavku aktivnosti oko Memorijalnog kompleksa brda Žuč izvještavamo Vas da je u konačnici Općina Novi Grad Sarajevo otkupila 85.000 m² zemljišta i da je to ukupna površina koja je na raspolaganju za izgradnju sadržaja na lokalitetu Golog brda.

Komisija za pripremu projektnog zadatka izrade projektnog zadatka za izradu Idejnog rješenja Memorijalnog centra Žuč poslije provedenog anonimnog javnog natječaja odabrala je najbolje Idejno rješenje i proglasila pobjednika po javnom pozivu. Nakon ovog koraka raspisuje se javni poziv za izradu Idejnog projekta Memorijalnog kompleksa brda Žuč. Urađen je Idejni projekat koji je javno prezentovan u Memorijalnom centru Kovači.

Održan je sastanak sa predstavnicima Fonda memorijala u Općini Novi Grad Sarajevo i dogovoreni su sljedeći koraci u realizaciji izgradnje Memorijalnog kompleksa brda Žuč. Prvi korak je da se po izrađenom Idejnom projektu stekli uslovi za izdavanje urbanističke saglasnosti. Podnesen je zahtjev za dobijanje urbanističke saglasnosti i postupak izdavanja je završen i izdata je urbanistička saglasnost.

U daljnjim aktivnostima Fond Memorijala je nosilac svih aktivnosti.. Javnim pozivom odabran je izvođač za izradu Izvedbenog projekta. Izvedbeni projekat je urađen. Odabran je i revident I izvršena je revizija Izvedbenog projekta. Po revidiranju projekta daljnji korak je izdavanje odobrenja za građenje. Izdato je odobrenje za građenje.⁷ Javnim pozivom treba da se izabere izvođač radova na izgradnji Memorijalnog kompleksa brda Žuč lokalitet Golo brdo. Naime iz Izvedbenog projekta i raspisivanjem javnog poziva za izgradnju saznaće se koliko je novčanih sredstava potrebno da bi se realizovalo ono što je projektom određeno na lokalitetu Golog brda.

Sa nekoliko rečenica ćemo Vas informisati i o aktivnostima koje su se provele na Domu oslobođenih . Završena je izgradnja i stavljen je u funkciju Dom oslobođenih. U njemu postoji restoranski dio, sobe za smještaj i prenočište i muzejski dio. Sve je stavljeno u funkciju i Dom oslobođenih je dobro posjećen. On je predviđen kao ulazna kapija u Memorijalni kompleks brda Žuč.

Prema lokalitetu Golog brda u 2016. godini urađena je pristupna saobraćajnica koja po izgradnji Memorijalnog centra neće moći zadovoljiti nesmetan dolazak i odlazak na lokalitet. Lokalitet samog Golog brda je poravnat zasađena je trava i u 2016. godini se obilježavanje 08. juni – Dan odbrane Općine Novi Grad Sarajevo i bitke za brdo Žuč se prvi put realizovalo na lokalitetu Golog brda.

Raspisan je javni poziv za izgradnju Memorijalnog kompleksa brda Žuč. To se konkretno odnosi na sadržaje koji su po projektu predviđeni na samom lokalitetu Golog brda. Sklopljen je Okvirni sporazum za realizaciju aktivnosti i u prvoj fazi je predviđena izgradnja spomenika "Kriła slobode". Općina Novi Grad Sarajevo je obezbijedila sredstva (koja su po novom nedostana) za izgradnju spomenika i pristupnog platoa ispred spomenika, ali je zapelo u realizaciji zbog određenih tehničkih detalja. Detalji koji su sporni odnose se na određene

propuste u projektu kao što je šipljenje temelja, umjesto sivog betona treba bijeli beton sa još boljim svojstvima jer je spomenik na otvorenom izložen vremenskim neprilikama, treba armature koja se ograđuje u spomenik (oko 30 tona) cinčiti da nebi hrđala i ješ neki nedostaci. Sagledavajući ove nedostatke koji se trebaju otkloniti sigurno će doći do povećanja cijene izvođenja radova na krilima slobode i pristupnom platou prevashodno zbog poskupljenja materijala posebno cijene armature. Znači više cijena izvođenja radova neće biti cca 500.000,00 KM koje je obezbijedila Općina Novi Grad Sarajevo nego 35-40% povećana. Institucija koja radi na otklanjanju ovih nedostataka i propisuje materijale koji će se koristiti pri kraju je sa svojim aktivnostima te će se moći u potpunu realizaciji izgradnje spomenika – Krila slobode i pristupnog platoa u punom kapacitetu.

U narednom periodu (iduće godine) trebalo bi se pristupiti izgradnji ostalih sadržaja prvenstveno muzejskog dijela sa ostalim pretećim sadržajima (betonski radovi, zidanje i ukrovljenje objekta). Treba riješiti saobraćaj do Golog brda, jer je sadašnja komunikacija loša (putna komunikacija je vrlo uska i komunikacija kroz naselje do Doma oslobođilaca je nepovoljna). Također treba riješiti i saobraćaj oko Memorijalnog kompleksa na Golom brdu

Napominjemo na bitnost i važnost ovog projekta te zbog toga i potrebu angažovanja više općina i drugih institucija. Općina Novi Grad Sarajevo načelu čvrsto stoji na stanovištu da se realizaciju projekata Opsada i odbrana Sarajeva 92-95 godina i okviru njega realizacija Podprojekta Izgradnja Memorijalnog kompleksa brda Žuč. Naravno podprojekat Izgradnja Memorijalnog kompleksa brda Žuč je kompleksan, zahtjevan i složen te se isti treba raditi fazno. Na ovom lokalitetu treba doista izgraditi monumentalno spomen obilježje sa svim drugim sadržajima, jer to zaslužuju branitelji koji su dali živote u proteklom odbrambeno-oslobodilačkom ratu, invalidi i demobilisani branitelji. To zaslužuju svi oni koji su tokom agresije na Bosnu i Hercegovinu, na Grad Sarajevo i Općinu Novi Grad Sarajevo živjeli ovdje vodili herijsku borbu i odbranu i odbranili se od agresora koji je naumio da pobije, uništi i sruši sve što je bilo na dohvata artiljerije i puščanih zrna. Ovaj Memorijalni kompleks brda Žuč sa svojim sadržajima treba da posluži kao memorija sjećanja na sve ono što se dešavalo građanima Sarajeva u agresiji na Sarajevo, državu BiH u periodu 92-95 godina. On treba da služi nama preživjelim i budućim generacijama.

Zaključak pod rednim brojem 3. Koji je usvojen na navedenom sastanku je da:

Općina Novi Grad Sarajevo dostavi potrebne informacije Ministarstvu za boračka pitanja Kantona Sarajevo kako bi se finansijska sredstva, planirana u budžetu ovog ministarstva za 2021. godinu za izgradnju Memorijalnog centra Žuč prebacila Općini Novi Grad Sarajevo.

Malo ćemo tekstualno se osvrnuti na aktivnosti i budžete za 2022. Godinu. Općina Novi Grad Sarajevo je u Budžetu za 2022.godinu za izgradnju Memorijalnog kompleksa brda Žuč, sadržaje koji se odnose prvenstveno za Golo brdo, planirala sredstva u iznosu od 500.000,00 KM za nastavak realizacije izgradnje ostalih sadržaja koji su sastavni dio Memorijalnog kompleksa brda Žuč (sadržaji na Golom brdu). Ovdje se prvenstveno misli na betonske radove, zidanje i ukrovljenje muzejskog dijela projekta. Troškovi izgradnje ovog dijela projekta su mnogostruko viši od onog što je Općina Novi Grad Sarajevo predvidjela Budžetom za 2022. godinu. Molimo Ministarstvo za boračka pitanja Kantona Sarajevo da planira sredstva za izgradnju Memorijalnog kompleksa brda Žuč u Budžetu za 2022. Godinu. Također molimo Ministarstvo za boračka pitanja Kantona Sarajevo da sugeriše i općinama Novo Sarajevo i Vogošća da i one u svojim budžetima za 2022.godinu planitaju sredstva za nastavak realizacije planiranih aktivnosti na projektu Memorijalnog kompleksa brda Žuč (Golo brdo).

Sada ćemo konkretno po Zaključaku pod rednim broje 3. Zapisnika sa sastanka održanog dana 25.10.2021. godine u prostorijama JU "Fond memorijala Kantona Sarajevo", akt broj: 13-04-01-LD/19-420/21 od 27.10.2021. godine se malo referirati. Dosta smo pisali u dijelu ove informacije naprijed boldirani dio. Dakle iz tog dijela informacije vidljivo je da će zbog nedostataka koji su navedeni u projektu i materijala koji će se koristiti biti nedostatna sredstva koja je Općina Novi Grad Sarajevo izdvojila (cca 500.000,00 KM) za realizaciju dijela projekta koja se odnose na spomenik – krila slobode i pristupni platoi do spomenika. Po izjavi stručnjaka koji su radili na otklanjanju

nedostataka i poboljšanja koja se prvenstveno odnose na kvalitete materijala koji će se ugrađivati te poskupljenja materijala na tržištu trebaće još sredstava za realizaciju istog. Njihova procjena je 35-40% da će doći do poskupljenja realizacije ove faze izgradnje. Ako govorimo o nivou sredstava to je negdje oko 180.000,00 KM.

Uvaženi Ministre obradovan sam da ste pokazali ineres za ovaj vrlo važan podprojekat u okviru ukupnog Projekta Opsada i odbrana Sarajeva 92-95 koji je usvojila Skupština Kantona Sarajevo 2006. godine. Ako u Ministarstvo za boračka pitanja Kantona Sarajevo postoje sredstva u 2021. godini spremni smo sa potpisati sporazum o preuzimanju i realizaciji tih sredstava te po utrošku istih u 2022. godini podnijeti narativni I finansijski izvještaj o utrošku sredstava.

S poštovanjem,

Dostaviti:
1. Naslovu
2. a/a

